

# SMK Tengku Afzan tidak mahu ketinggalan

Program turut menyentuh telahan ilmu falak di sebalik pemilihan tarikh Hari Kemerdekaan

Oleh NIK AMIRUL MU' MIN NIK MIN

KUANTAN



**S**ekolah Menengah Kebangsaan (SMK) Tengku Afzan di sini tidak mahu ketinggalan mengimarakkan Program Munajat

dan Tausiah Kemerdekaan Malaysia #QuranHour sempena Sambutan Hari Kebangsaan Ke-64 pada Isnin.

Setiausaha Sekretariat Rumah Ngaji Pahang, Mohd Rozamli Mohd Rozali berkata, program yang dilangsungkan secara dalam talian bersama Dr Ahmad Irfan Akmal Hisham dari Universiti Malaysia Pahang (UMP) itu agak menarik apabila turut menyentuh telahan ilmu falak di sebalik pemilihan tarikh Hari Kemerdekaan negara.

Menurutnya, turut dikupas tentang tiga motivasi daripada surah al-Mulk iaitu tentang keberkatan, mengingati kematian dan *ahsanu amala* (amal terbaik).

"Turut dikupas tujuh surah *musabbihat* sebagai formula untuk Malaysia berbudi dan pe-



MOHD ROZAMLI



HANILIZA

nyayang dengan resolusi kejayaan akhir zaman iaitu diri, keluarga, komuniti dan bangsa terbaik," katanya ketika dihubungi.

Mohd Rozamli berkata, pada program itu juga turut dikongsi bacaan doa yang pernah dibaca Mufti Negeri Sembilan pertama, Syeikh Ahmad Al-Linggi pada 31 Ogos 1957 untuk menyentik aura kemerdekaan di sekolah tersebut.

Dalam pada itu, beliau berkata, pihak Sekretariat Rumah Ngaji Negeri Pahang sebelum ini telah menyebarkan kempen Malaysia #QuranHour ini kepada pelbagai agensi untuk turut sama menyertainya secara dalam talian atau mengikutinya secara langsung melalui saluran



Warga SMK Tengku Afzan turut mengambil bahagian dalam Program Munajat dan Tausiah Kemerdekaan Malaysia #QuranHour sempena sambutan Hari Kebangsaan ke-64 pada Isnin.

TV Alhijrah.

Sementara itu, Pengetua SMK Tengku Afzan, Haniliza Sulaiman menyambut baik inisiatif Rumah Ngaji dalam penganjuran Malaysia #QuranHour sempena Hari Kebangsaan tahun ini.

Menurut Haniliza, beliau turut mengajak dan mengingatkan semua warga SMK Tengku Afzan untuk sama-sama semarakkan Malaysia #QuranHour di lokasi masing-masing.

"Atas semangat yang sama, pihak sekolah juga telah mewujudkan Laman Quranic Valley di sekolah ini," katanya.